

OPERATORI SISTEMIT TRANSMETIMIT

Dispozita per Proceduren

e

Regjistrimit ne Tregun e Energjise Elektrike

Kapitulli I

Te Pergjithshme

NENI 1

Keto dispozita, hartohen ne zbatim te Rregullave te Tregut Shqiptar te Energjise Elektrike, Kapitulli III, pika III.1.1, te miratuara me Vendimin nr. 68 dt. 23.06.2008 te Bordit te Komisionereve te ERE.

NENI 2

Keto dispozita, percaktojne proceduren e regjistrimit ne tregun e energjise elektrike per çdo person, fizik apo juridik, vendas apo i huaj, te pajisur me Licence nga Enti Rregullator i Energjise Elektrike ne perputhje me Ligjin nr.9072 date 22.05.2003 (i ndryshuar), neni 13, i cili deshiron te marre pjese ne Tregun e Energjise Elektrike te organizuar nga Operatori Tregut.

Kapitulli II

Aplikimi

NENI 3

Aplikuesi për pjesëmarrje në tregun shqiptar të energjisë elektrike ploteson formularin A1 bashkelidhur ketyre dispozitave, i miratuar nga ERE, me Vendimi nr.....

date.....dhe dergimi i tij OST-OT me e-mail ose fax.

Ky formular terhiqet prane OST-OT ose ne internet ne adresen

NENI 4

Origjinali i ketij formulari dhe dokumentacioni bashkengjitur atij, dergohen me poste prane OST-OT, shoqeruar me nje shkrese zyrtare, ne perputhje me fomularin A1/1, bashkelidhur ketyre dispozitave, miratuar nga ERE me Vendim nr..... dt.....

2

NENI 5

Aplikuesi do t'i bashkëngjisë formularit A1 të regjistrimit dokumentet e mëposhtme:

- Informacion teknik, te miratuar nga OST
- Licenca, kopje e noterizuar
- Kontrata me OST per akses ne Rrjetin e Transmetimit, kopje e noterizuar
- Kontrata me OSSh per akses ne Rrjetin e Shperndarjes (ne varesi te rastit nese aplikuesi ka akses ne rrjetin e OST apo te OSSH), kopje e noterizuar
- Bilanci i fundit vjetor, i çertifikuar nga organet e tatim taksave, kopje e noterizuar
- Pershkrim per mjetet e komunikimit, deklarate origjinale e aplikuesit

NENI 6

Çdo aplikues/ palë e liçencuar që dëshiron të bëhet pjesëmarrëse në tregun shqiptar të energjisë elektrike duhet të depozitojë në OST-OT garancinë financiare për të gjitha shërbimet që sigurohen nga OST, përfshirë tarifën për alokimin e kapaciteteve, në përputhje me "Procedurat për llogaritjen e garancisë dhe kontrollin e depozitave" të përgatitura nga OST dhe të miratuara nga ERE.

NENI 7

Brenda 10 ditëve punë nga marrja e dokumenteve të regjistrimit, OST-OT do të verifikojë të dhënat e aplikimit dhe dokumentet bashkëngjitur, dhe:

- Do të dërgojë njoftim për pranimin e aplikimit për regjistrim në tregun e energjisë elektrike, në përputhje me Formularin A2 bashkëlidhur këtyre dispozitave, miratuar nga ERE me Vendim nr..... dt..... , ose
- Do të rekomandojë udhëzime dhe kushte të detyrueshme për rregullimin e gabimeve të mundshme në formularët e aplikimit dhe dokumentet bashkëngjitur ose
- Do të deklarojë refuzimin për regjistrimin e aplikuesve në tregun e energjisë elektrike

Kapitulli III

Pranimi i Aplikimit

NENI 8

Aplikuesi që ka marrë njoftimin për pranimin e aplikimit për regjistrim në tregun e energjisë elektrike ose i janë rekomanduar udhëzime dhe kushte të detyrueshme për rregullimin e

gabimeve të mundshme në formularët e aplikimit dhe dokumentet bashkangjitur duhet te ktheje pergjigje per plotesimin kerkesave te parashtruara ne kete formular,nga OST-OT, brenda 10 ditëve punë, nga dita qe ka marre njoftimin.

3

NENI 9

Pas zbatimit të gjithë kërkesave të mesiperme te regjistrimit, OST-OT do të rregjistroje pjesmarresin në rregjistrin e palëve dhe do te nenshkruaje Marreveshjen e Pjesemarrjes ne Treg te miratuar nga ERE me Vendimin nr.....date.....

NENI 10

Pas nënshkrimit të Marrëveshjes për Pjesëmarrjen në Treg nga përfaqësuesi i autorizuar i palës kërkuese, rregjistrimi si pjesëmarrës i ri i tregut behet efektive në datën e hyrjes ne fuqi të saj.

NENI 11

OST-OT do të publikojë në faqen e saj të internetit një listë të palëve të regjistruara me informacion mbi emrin, numrin e identifikimit, datën e regjistrimit dhe statusin (tregtues, furnizues që furnizojnë me energji elektrike vetëm vendet e konsumit të tyre, datën e tërheqjes, datën e pezullimit, etj).

NENI 12

Çdo palë është e detyruar t'i dërgojë informacion operatorit mbi ndryshimin e informacionit të dhënë në regjistrim, brenda 6 ditëve punë nga ndodhja e ndryshimit.

NENI 13

OST-OT do t'i rregjistrojë zyrtarisht të gjithë pjesëmarrësit e tregut në tregun e energjisë elektrike.

Kapitulli IV

Refuzimi i Aplikimit dhe Mosmarreveshja per Regjistrimin

NENI 14

OST-OT mund ta refuzojë regjistrimin në tregun e energjisë elektrike në këto raste:

- Gabime në formularin e regjistrimit dhe dokumentet bashkangjitur që nuk janë korrigjuar brenda 10 ditëve punë
- Detyrime ndaj Operatorit të Rrjetit të Transmetimit të OST-së, që nuk janë likuiduar.

OST-OT nuk do ta regjistrojë një palë në rast mosplotësimi të kushteve brenda termave të përcaktuara në keto Dispozita dhe ne Rregullat e Tregut Shqiptar te Energjise Elektrike.

4

Neni 15

Në rast refuzimi të regjistrimit, aplikuesi mund të nisë një procedurë të re regjistrimi në tregun e energjisë elektrike, 1 muaj pas datës së marrjes së refuzimit nga OST-OT.

Neni 16

Në rast refuzimi të regjistrimit nga OST-OT, pala ka të drejtë ta kundërshtojë refuzimin me një letër drejtuar ERE-s brenda 10 ditëve punë pas marrjes së tij.

Neni 17

ERE-ja do të verifikojë nëse arsyet e refuzimit janë të justifikuara dhe do te marre vendimin

brenda 15 ditëve punë nga marrja e tij.

Neni 18

Në rast se vendimi i ERE-s konfirmon se operatori e ka refuzuar në mënyrë të pajustificuar regjistrimin në tregun e energjisë elektrike, OST-OT është e detyruar që brenda 5 ditëve punë nga marrja e vendimit të ERE-s t'i dërgojë aplikuesit një njoftim për pranimin e formularit së regjistrimit në tregun e energjisë elektrike.

Kapitulli V

Kërkesa për Terheqje, pezullimi dhe Përfundimi i Pjesëmarrjes në Treg

Neni 19

Një pjesëmarrës tregu mund të tërhiqet nga tregu i energjisë elektrike me iniciativën e tij, bazuar në një njoftim me shkrim të nënshkruar nga përfaqësuesi i autorizuar i këtij pjesëmarrësi, në përputhje me formularin A3 bashkelidhur ketyre dispozitave, miratuar nga ERE, me Vendimi nr..... date..... Njoftimi duhet paraqitur të paktën 3 muaj para datës së anulimit të regjistrimit të pjesëmarrësit të tregut. Pas marrjes së këtij njoftimi, OST-OT do të informojë menjëherë të gjithë pjesëmarrësit e tjerë të tregut.

Neni 20

Nëse pjesëmarrësi nuk mund t'i plotësojë të gjitha kushtet e Rregullave të Tregut atëherë pjesëmarrësi ose OST-OT duhet të informojnë ERE-n brenda 10 ditë pune nga konstatimi për kushtet.

Neni 21

OST-OT do të pezullojë veprimtarinë tregtare të pjesëmarrësve nëse plotësohet ndonjë nga kushtet e mëposhtme:

- Pjesëmarrësi i tregut nuk përmbush më një ose më shumë kushte të nevojshme për regjistrim si pjesëmarrës tregu (siç përcaktohet në keto Dispozita)

5

- Pjesëmarrësi i tregut nuk përmbush më kërkesat që lidhen me garancinë financiare ose nuk bën pagesat e tjera (te parashikuara në keto Dispozita)

- Pjesëmarrësi i tregut nuk respekton Marrëveshjen për Pjesëmarrjen në Treg
- Pjesëmarrësi i tregut gjendet vazhdimisht fajtor për mosrespektimin e rregullave të tregut dhe gjithë kodeve të zbatueshme për tregun shqiptar të energjisë elektrike ose marrëveshjen financiare.

Neni 22

Nëse pjesëmarrësi i tregut nuk mund të provojë se e ka shmangur shkakun (Shkaqet) që shkaktoi pezullimin e tij, gjatë periudhes së specifikuar në njoftimin për pezullim, atëherë OST-OT do të procedojë me përfundimin e Marrëveshjes për Pjesëmarrjen në Treg. Nëse ky vendim i OST-OT kundërshtohet nga pjesëmarrësi atëherë pas paraqitjes së ankesës, ERE-ja do të verifikojë nëse arsyet për pezullimin e veprimtarive tregtare janë të justifikuara dhe do ta japë vendimin brenda 15 ditëve punë nga marrja e ankesës.

Neni 23

Nëse regjistrimi i pjesëmarrësit të tregut pezullohet atëherë të gjitha ofertat e mbetura pezull (të reja) të pjesëmarrësit të tregut do të anulohen automatikisht për gjithë periudhën e pezullimit.

Neni 24

OST-OT ka te drejt te përfundojë Marrëveshjen për Pjesëmarrje në Treg të një pjesëmarrësi tregu, në secilin nga këto raste:

- Nëse pjesëmarrësi në treg nuk përmbush më një ose disa nga kushtet e nevojshme për regjistrimin si pjesëmarrës tregu (siç përcaktohet në keto Dispozita)
- Pjesëmarrësi i tregut nuk përmbush më kërkesat që lidhen me garancinë financiare ose nuk bën pagesat e tjera (te parashikuara në keto Dispozita)

- Nëse pjesëmarrësi i tregut nuk respekton Marrëveshjen për Pjesëmarrjen në Treg
- Nëse pjesëmarrësi në treg gjendet vazhdimisht fajtor për mosrespektimin e rregullave të tregut dhe gjithë kodeve të zbatueshme për tregun shqiptar të energjisë elektrike

Neni 25

OST-OT revokon menjehere Marrëveshjen për Pjesëmarrjen në Treg, kur ERE-ja i heq pjesëmarrësit në treg licencen përkatëse. Të gjithë ofertat e tregut të këtij pjesëmarrësi anulohen automatikisht që nga data e deklaruar në njoftim.

6

Neni 26

Pjesëmarrësi i tregut, Marrëveshja për Pjesëmarrjen në Treg e të cilit ka përfunduar, është përgjegjës për gjithë detyrimet ligjore që ka ndaj OST-OT.

Neni 27

Keto dispozita hyjne ne fuqi pas miratimit nga ERE.